

Шувууны томуугийн А/Н5N1/ вирусийн халдвараас сэргийлэх арга хэмжээний зөвлөмж

БГХӨС Төвгүй аймгуудаас зохион байгуулан явуулах ажлууд.

Үндэслэл:

2003 оноос өнөөдрийг хүртэлх хугацаанд БНХАУ, Камбож, Лаос, Вьетнам, Тайланд, Малайз зэрэг Зүүн Өмнөд Ази, Европ, Евро-Азийн 45 оронд зэрлэг болон гэрийн тэжээвэр шувуудын өвчлөл, 15 оронд нийт 498 хүн өвчилж, 294 нь нас барсан.

2010 он гарсаар шувууны томуугийн хүний өвчлөл Камбож, Египед, Индонез, Вьетнам зэрэг 4 улсад 30 тохиолдол бүртгэгдэж, нас баралт 40% (12)-тай байна.

Хэдийгээр манай оронд шувууны томуугийн хүний өвчлөл бүртгэгдээгүй ч байгалийн голомт илэрсээр байгаа тул шувууны томуугийн А/Н5N1/ вирусийн халдвараас хүн амыг сэргийлэх, аймаг, орон нутгийн бэлэн байдлыг ханган дараахь ажлуудыг зохион байгуулан явуулах шаардлагатай байна. Үүнд:

Аймгийн ЭМГ-аас дараах ажлуудыг зохион байгуулан явуулах:

1. Шувууны томуугийн А/Н5N1/ вирусийн халдварын дэгдэлтээс сэргийлэх бэлэн байдлын төлөвлөгөө боловсруулан ажиллах

2. Эмч, эмнэлгийн ажилтан нарыг шувууны томуугийн А/Н5N1/ вирусийн халдвараас сэргийлэх, биоаюулгүй ажиллагааг хангах талаар сургалтад хамруулах

3. “Шувууны томуугийн хүний өвчний сэжигтэй тохиолдлын үед авч хэрэгжүүлэх арга хэмжээ” сэдэвт үзүүлэх сургууль зохион байгуулж эмч, мэргэжилтэн нарыг дадлагажуулах

4. ЭМС-ын 2004 оны 45 дугаар тушаалын дагуу бэлэн байдалд шаардлагатай эд зүйлсийн /хамгаалах хувцас, эм тариа, оношлуур, урвалж, шил сав, шинжилгээний багаж хэрэгсэл, аппарат тоног төхөөрөмж, халдваргүйтгэлийн бодис, маска, бээлий, гар ариутгах, ам зайлах бодис гэх мэт/ тооцоо гаргаж, нөөц бүрдүүлэх

5. Хүн ам, шувууны аж ахуйд ажиллагсад болон шувуу тэжээдэг иргэдэд хувийн ариун цэвэр сайтар сахих, ажлын хувцас, амны хаалт, бээлий тогтмол хэрэглэх, шувууны байрны эрүүл ахуй, ариутгал халдваргүйтгэлд онцгой анхаарах, тэжээвэр шувуудыг зэрлэг шувуудтай харьцуулахгүй байх арга хэмжээ авах, өвчилсөн тахиа, шувуутай ажлын хувцасгүй харьцсаны дараа халуурсан, ханиалгасан үед эмч дуудаж үзүүлэх, эмчийн хяналтанд орох, шувууны өвчлөл гарсан тохиолдолд орон нутгийн удирдлага болон мэргэжлийн бусад байгууллагад яаралтай мэдээлэх талаар сургалт, сурталчилгаа хийх

6. Шувууны томуугийн хүний өвчний сэжигтэй тохиолдол илэрсэн үед мэдээ, мэдээллийн урсгалын дагуу холбогдох газруудад яаралтай мэдээлэн, хариу арга хэмжээ авч ажиллах

7. Аймаг, сум орон нутгийн удирдлага, мал эмнэлэг болон бусад холбогдох газруудтай хамтран:

а/. Шувууны аж ахуй эрхлэгч болон шувууны мах, түүний түүхий эдийн худалдаа хийдэг байгууллага, айл өрх, иргэдийн судалгаа гаргаж, халдварт өртөх эрсдэлт бүлгийн хүн амыг тогтоох, судалгаатай болох

б/. Шувууны аж ахуй эрхлэгч байгууллага, айл өрх, иргэдийн тэжээвэр шувууны тоог гаргаж, томуугийн эсрэг дархлаажуулалтанд хяналт тавин ажиллах

в/. Аймаг, орон нутгийн Удирдлага, Онцгой байдал, Мэргэжлийн хяналт, хүн, мал эмнэлэг, шувууны аж ахуй эрхлэгч байгууллагуудын ажилтан, эмч, мэргэжилтэн нарыг шувууны томуугийн А/Н5N1/ вирусийн халдварын талаарх сургалтанд хамруулах, үзүүлэх сургууль зохион байгуулан явуулж, дадлагажуулах

г/. Шувууны аж ахуй эрхлэгч байгууллагын бэлэн байдалд шаардлагатай эд зүйлсийн тооцоо гаргаж, нөөц бүрдүүлэхэд зөвлөн туслах

8. Шувууны томуугийн хүний болон шувууны өвчлөлийн сэжигтэй тохиолдол илэрсэн үед мэдээ, мэдээллийн урсгалын дагуу холбогдох газруудад яаралтай мэдээлэн, хариу арга хэмжээ авч ажиллах

9. Шувууд зусдаг нуур орчимд тандалт судалгаа хийж:

а/. Хүн амаас асуумж авч, шувууны томуу өвчний талаархи дадал, хандлага, мэдлэгийн түвшинд үнэлэлт өгөх, халдварт өртөх эрсдэл, түүнд нөлөөлөх хүчин зүйлсийг тодорхойлон урьдчилан сэргийлэх ажлын чиглэл гаргах

б/. Нуур орчмын зэрлэг шувуудад ажиглалт, тооллого хийж, шувуудыг хяналтанд авах


в/. Шувуу үхсэн болон өвчилсөн тохиолдлыг холбогдох газарт яаралтай мэдээлэн, холбогдох арга хэмжээг авч ажиллах

г/. Нуур, цөөрөм орчмын хүн амд шувууны томуугийн халдвараас сэргийлэх талаар сурталчилгаа хийж /хувийн ариун цэвэр тогтмол сахих, үхсэн болон өвчилсөн шувуутай харьцахгүй байх, мэргэжлийн байгууллагад мэдэгдэх, шувуу үхсэн гол, нуурын усыг ундандаа хэрэглэхгүй байх, малаа оруулахгүй байх, өвчилсөн, үхсэн шувуутай харьцсаны дараа халуурсан, ханиалгасан үед эмч дуудаж үзүүлэх, эмчийн хяналтанд орох гэх мэт/

ТАНИЛЦУУЛГА

Шувууны томуугийн хүний өвчлөлийн олон улсын төлөв байдал (2003-2010 он)

ДЭМБ-ын мэдээлснээр 2003-2010 онд шувууны томуугийн хүний өвчлөл 15 улсад нийт 498 тохиолдол бүртгэгдэж нас баралт 59% (294) -тай байна.



Энэ онд шувууны томуугийн хүний өвчлөл 5 сарын 6-ны байдлаар Камбодж, Египед, Индонез, Вьетнам зэрэг 4 улсад 30 тохиолдол бүртгэгдэж, нас баралт 40% (12)-тай байна. (хүснэгт1, дүрслэл 1)


Шувууны томуугийн хүний өвчлөл (2010-5-6 байдлаар)

Хүснэгт 1

Улс	Өвчлөл	Нас баралт
Египед	19	7
Вьетнам	7	2
Индонез	3	2
Камбож	1	1
Нийт	30	12

Шувууны томуугийн хүний өвчлөл (2010-5-6 байдлаар)

Дүрслэл 1



Шувууны томуугийн хүний өвчлөлийн 36,7% нь II, 30% нь I, 26,7% нь III, 6,7% нь IV саруудад тус тус бүртгэгдсэн байна (дүрслэл 2).

Шувууны томуугийн хүний өвчлөл сараар (2010-5-6 байдлаар)

(дүрслэл 2)

